

Alþingi  
Erindi nr. P 132/693  
komudagur 10. janúar 2006  
32/69



BARNAVERNDARSTOFA

Alþingi, nefndasvið  
Þórshamri v/Templarasund  
150 REYKJAVÍK

Reykjavík, 18. janúar 2006

Tilvísun : 2005120016

Vísað er til bréfs dags. 12. desember þar sem óskað er umsagnar Barnaverndarstofu um frumvarp til breytinga á almennum hegningarlögum, 365. mál, heimilisofbeldi. Beðist er velvirðingar á því að ekki tókst að gefa umsögn innan tilskilins frests.

Barnaverndarstofa fagnar því að dómsmálaráðuneytið og Alþingi beini sjónum sínum að heimilisofbeldi, eða ofbeldi milli nákominna, og þeirri sérstöðu sem þessi mál hafa. Barnaverndarstofa hefur farið yfir frumvarpið og gerir í grófum dráttum ekki athugasemdir við þær leiðir sem þarna er valið að fara. Barnaverndarstofa staldrar þó aðeins við þá áherslu sem lögð er í greinargerðinni á ítrekun tilvika eða endurtekin brot áður en reyna muni á refsipyngingarákvæði og ákvæði um opinbera ákæru vegna ærumeiðinga enda endurspeglast þetta t.d. ekki í orðalagi 1. gr. frumvarpsins.

Barnaverndarstofa telur að brot gegn nákomnum sé i eðli sínu að jafnaði grófara en ella og að til greina komi að fella niður úr 1. gr. frumvarpsins orðalagið að tengsl þyki hafa aukið á grófleika verknaðar. Barnaverndarstofa vill undirstrika að refsiverð brot gegn börnum eru að jafnaði brot gegn trúnaði sem á að ríkja milli barnsins og þess sem er því nákominn og að brotið auki því sjálfkrafa grófleika verknaðar í samanburði við það að brotið hafi beinst gegn öðrum ótengdum.

Barnaverndarstofa bindur jafnframt vonir við að farið verði nánar yfir þörf á lagabreytingum i starfi nefndar er ríkisstjórnin hefur falið að vinna tillögu að heildstæðri aðgerðaráætlun gegn heimilisofbeldi og kynferðisofbeldi á Íslandi.

Virðingarfyllst  
f.h. Barnaverndarstofu

Hrefna Friðriksdóttir